

09.03 PROFIL

Vitus Spescha: «La segirtad, la punctualitad e la schubradad èn il pli impurtant»



Sco conductor e chau-tren è Vitus Spescha (45) adina sin viadi. Quai ed il contact cun ils clients plascha ad el il pli fitg vi da sia clamada. Ch'el ha insumma chattà la via tar las Viafiers federalas svizras ha el era d'engraziar a sia mamma, raquinta el en il «Profil» da RTR. Sper quai gioga er il sport ina rolla fitg impurtanta en la vita da Vitus Spescha che viva cun sia dunna ed ils dus uffants datiers da Turitg. En il minigolf ha el dastgà festivar gronds success, è perfin daventà champiun mundial en la categoria da team. Ma il minigolf ha era purtà ventira privata. Sia dunna ha el emprendì d'enconuscher durant ses temp en la squadra naziunala.

Redacziun: Adrian Camartin